

इडेलिशा फुतिना
आलिशा आसात आलिशा



इडेलिशा फुर्विना
आलिआ आमात आलिआ

एति:
ढेविशाभित कञ्जुडिभित



अवूताफ:
ढफ्ती आमा



‘राफुना’ अकामव
मठका

Yu. Drunina
ALICE
In Bengali

Ю. Друнина
АЛИСКА
На языке бенгали

স্কুলের ছোট বয়সী ছেলেরা মেয়েদের জন্য

© বাংলা অনুবাদ . সচিত্র . 'বাদুগা' প্রকাশন . মস্কো . ১৯৮৮
সেভিয়েত ইউনিয়নে মুদ্রিত

ISBN 5-05-001774-2



এস্তোনিয়ার ঘটনা। ১৯৪৪ সালের শরতের শেষ। সোভিয়েত ইউনিয়ন প্রাণপণে লড়ছে নাৎসি জার্মানির বিরুদ্ধে।

গোলন্দাজ বাহিনীর আগুয়ান একটি দলের আমি ফিল্ড নার্স। আমাদের অ্যাম্বুলেন্সটি পেছনে কোথাও আটকে গিয়েছিল। গাড়িটির সঙ্গে কোন যোগাযোগ ছিল না। এদিকে ব্যাণ্ডেজ ফুরিয়ে আসছিল। এগিয়ে হামলা চালালে সব সময়ই আহতের সংখ্যা বাড়ে।

একটি গ্রামের খামারবাড়িতে সবেমাত্র আমরা থেমেছি। এক বড়ি এল আমার কাছে। তার দুর্বল, রোগা হাতে সযত্নে ধরে রাখা একটি মুরগী তারম্বরে চেঁচাচ্ছিল। এস্টোনিয়ার ওই বড়ি এতটুকু রুশভাষা জানত না, কিন্তু সেজন্য তার বক্তব্য বদ্বাতে কোন অসুবিধা হিচ্ছিল না: মুরগীটার একটা ভাস্সা পা শিরার সঙ্গে কোনক্রমে ঝুলে আছে — হয়ত গোলাগন্ডিলর জন্যেই। ওকে বাঁচানোর জন্যে বুদ্ধার নীরব কাকুতি-মিনতি আমার কাছে অযৌক্তিক মনে হয় নি। যারা মনে করে দুঃখকষ্ট কেবল মানুষেরই ব্যাপার আমি তাদের দলে নই।

কিন্তু সঙ্গীরা কী বলবে?

ব্যাণ্ডেজের দারুণ ঘাটতির কথাটা আমি বড়িকে বোঝাতে চাইলাম। কিন্তু বৃথা। সে কেবলই নীরবে মুরগীটা আমার হাতে তুলে দিচ্ছিল। চারপাশে কৌতূহলী ফোঁজী লোকদের ভিড় জমে গেল। হঠাৎ মাঝবয়সী এক সেপাই খেঁকিয়ে উঠল:

‘তরতাজা একটা জীব কী কষ্টটাই না পাচ্ছে! তোমার কি দয়ামায়া নাই গো?’

এক তরুণ সায় দিল:

‘এই শহুরেগুলো সবাই সমান। দয়ামায়ার বালাই নেই।’

তারপর গজনার ঝড় উঠল। প্রসঙ্গ: আমার নিষ্ঠুরতা। বলতে কিছুই বাদ দেয় নি তারা। ওসব আর মনে করতে চাই না... ভাবলে আজও বড় অস্বস্তি লাগে।

একজন অবশ্য ঠাট্টা করেই বলেছিল যে ‘জখমী’ মুরগীটি দিয়ে





চমৎকার ঝোল বানানোই ভালো। কিন্তু সবাই তাকে এমন ঠেসে ধরেছিল সে বেচারী মদহতে চুপসে গিয়ে কেবল পিট্‌পিটে চোখে তাকিয়ে ছিল।

আমি ব্যাগ খুললাম। কেউ একজন আমার জন্য দদ'টুকরো কাঠ পালিশ করে আনল। পুরো ডাক্তারীবিদ্যা খাটিয়েই ওগুদলি দিয়ে ব্যান্ডেজ বাঁধলাম।

এভাবেই খোদ ফ্রন্টের সিপাইদের কাছ থেকে দয়ামায়ার একটা সদৃশিক্ষা পেয়েছিলাম। অথচ যুদ্ধের দৌলতে তাদের মন থেকে তো এসব 'ভাবালুতা' বেমালদুম সাফ হওয়ারই কথা।

শিক্ষাটি কোনদিন ভুলি নি। আলিসা সম্পর্কে এই লেখাটি নিয়ে বসার সময়ও তা মনে পড়েছে। ওকে নিয়ে লেখার কি কোন মানে হয়? চোখে ভেসে উঠেছে বহু দূরের সেই শরৎকালের যুদ্ধ আর নিজের চেহারাটি — জব্দথব্দ একটি মেয়ে, কাঁধে রেডক্রসের ব্যাগ, হাতে একটি কোঁকান মদ্রগী।

একদিন অষ্টম শ্রেণীর ছাত্রী আমার মেয়েটি একটি কুকুরের কথা বলল। কুকুরটি নাকি 'নিজেকে বিক্রি করতে চায়'।

আলিওনার সঙ্গে ওই কুকুরটির মোলাকাত মস্কোর চিড়িয়া-বাজারে। রোজ রবিবার ওখানটায় ওর হাজির হওয়া চাই। বাজারটি কেবল পাখির নয়। ওখানে বিকিকিনি হয় হরেকরকম পোষা জীব — বেড়াল, গিনিপিগ, কুকুর...

পাথরের দেয়ালের পাশ বরাবর কুকুর-বেচিয়েদের সারি। অচেনা



পরিবেশ আর মালিকের বেইমানিতে বিরক্ত কুকুরগুলো পথ-চলা সকলের দিকেই আক্রোশে দাঁত খিঁচোচ্ছিল। তাছাড়া যাতে রাগী দেখায় সেজন্য মালিকরাই ওগুলোকে খেঁপিয়ে তুলছিল যেমনটি শুনেনিছ, জিপসীরা তেজী দেখানোর জন্য ঘোড়াগুলোকে ওসকাত। লোকে কুকুর কেনে তো বাড়িঘর পাহারা দেয়ার জন্যই। তাই কুকুর যত বদমেজাজী দামও ততই বেশি।

হাডিসার বেওয়ারিশ একটি নিঃসঙ্গ অ্যালসেশিয়ান চুপচাপ বসেছিল দেয়ালের পাশে। বিকান কুকুরের নতুন মালিকদের দিকে সে তাকাচ্ছিল রীতিমতো ঈর্ষায়। দঃখী চোখ, লাজুকভাবে নাড়ান লেজ, সব মিলিয়ে তার করুণ ভঙ্গিটি যেন বলছিল, নাকি চিৎকার করছিল, ‘আমাকেও নাও, নাও-না ভাই।’

কিন্তু দাম নেই যার, খন্দেরও নেই তার। যে-কুকুর নিজেকে বেচতে চায়, নিজেকে তুলে দিতে চায়, তার ব্যাপারটা কেমন অদ্ভুত, সন্দেহজনকও বটে। দেখতে অ্যালসেশিয়ান হলেও ওর কুলপঞ্জীর হৃদিশ কে জানে!

গত তিন রবিবার থেকে আলিওনা কুকুরটিকে বাজারে ঠিক একই জায়গায় ওই পাথরের দেয়াল ঘেঁসে বসতে থাকতে দেখছে। প্রত্যেক বারই তার চোখগুলো আরো দঃখী, শরীর আরও চিমসে, রোগা-পটকা মনে হয়েছে।

কাহিনীটি শোনার পর কুলপঞ্জীর হৃদিশ ছাড়াই, এমন কি দোআঁশলা হলেও আমরা ওকে পোষ্য নেওয়া স্থির করে ফেলি।



পরের রবিবার তড়িঘড়ি বাজারে হাজির হলাম। মানুষ আর জীবজন্তুর ভিড়ের মধ্যে ঠেলে ঠেলে পথ চলতে লাগলাম। মানুষের হুন্না, কুকুরের চিৎকার, পাখির কাকলির উদ্দাম শব্দস্রোত। আমি দিশেহারা।

শেকল-হেঁচড়ান ঘোঁৎঘোঁতে কুকুরগুলির মাঝখানে হঠাৎ বরফের ওপর গুঁটিসুঁটি বসে থাকা একটি অদ্ভুত জন্তু চোখে পড়ল — সন্দ্রস্ত, হতবুদ্ধি। বিড়ালের মতো ছোটখাটো হালকা-ধূসর লোম, ড্যাবডেবে উজ্জ্বল-হলুদ চোখ, আঁটোসাঁটো শরীর, মোটা ফুলানো লেজ, পলকা পা, ইংরেজী এক্স অক্ষরের মতো পেছনের সরু পাদুটি বাঁকান।

জন্তুটির ঘাড়ের ঘরে-তৈরি একটি পটি ছিল, আর তাতে লাগান শেকলটি ধরে দাঁড়িয়েছিল কাঁচুমাচু-মুখ পুঁচকে একটি ছেলে। মনে হল রবাহুত পোষাটিকে দূর করার কড়া হুকুম দিয়ে ওকে বাড়ি থেকে তাড়ান হয়েছে।

আমি উবু হয়ে ওর গায়ে আলতোভাবে হাত বুলাতে লাগলাম। সে কানদুটি নোয়াল।

‘হুঁশিয়ার, কামড়াবে,’ ছেলের চোঁচিয়ে উঠল। কিন্তু ইতিমধ্যেই ওকে আমি কোলে তুলে নিয়েছি। বুকে ওর তুমুল ধড়ফড়ানি, গোটা শরীরটা খিঁচুনিতে কাঁপছিল। বেচারী! একটি বুনো জন্তুর জন্য কী ভয়ঙ্কর জায়গা!

আসলে ওকে আমি কোন বুনো-জন্তু ভাবি নি — বড় করুণ, বড় ভীতু মনে হয়েছিল তাকে। তাছাড়া ওকে পশুর ছা ভেবেছিলাম। পরে



শব্দে অবাক হয়েছি যে কমবয়সী হলেও ওটা সাবালক স্তম্ভ-শিয়াল, কসাঁক।

বিশ্বকোষে এদের সম্পর্কে লেখা আছে: 'কসাঁক দেখতে সাধারণ শিয়ালের মতোই, তবে আকারে ছোটোখাটো (শরীরের দৈর্ঘ্য ৫০-৬০ সেন্টিমিটার, লেজ ২৫-৩৫ সেন্টিমিটার), এশিয়া ও দক্ষিণ-পূর্ব ইউরোপের মরু বা মরুপ্রায় এলাকার বাসিন্দা। সোভিয়েত ইউনিয়নে উত্তর ককেশাস থেকে ট্রান্সবৈকাল ও প্রত্যন্ত উত্তরের ৫০ ডিগ্রি পর্যন্ত এলাকায় দেখা যায়। ইন্দুর জাতীয় প্রাণীদের শব্দ, কসাঁক মানুষের উপকারী জন্তু।

'উপকারের প্রতিদানে' মানুষ কসাঁকদের বেপরোয়া নিম্নল করে চলেছে। কেননা, দুঃখের বিষয়, বিশ্বকোষের বর্ণনায় ওগুর্লির 'চামড়া মহাঘ'।

...কসাঁকটিকে বৃকে চেপে ধরলাম আর মলিনমুখ খুঁদে ব্যাপারীটি পকেটে গুঁজল দশ রুবলের নোট (তেমন কিছু চড়া দাম নয়)।

এজন্য আমাকে যে অটেল ঝামেলা পোহাতে হবে জানতাম। একটি বৃনো জন্তুকে তার জগৎ থেকে আমাদের দুনিয়ায় আনলে, তাকে জেলখানায়, অর্থাৎ খাঁচায় আটকে রাখতে না চাইলে সত্যি সত্যি যেসব অনিবার্য প্রস্তুতির অসুবিধা দেখা দেয় ও বেড়ে ওঠে আমি কেবল সেগুর্লির কথা বলছি না। কিংবা 'যাদের পোষ মানিয়েছ, বন্ধুত্ব পাতিয়েছ তাদের জন্য তুমি দায়ী বৈকি...' দিনরাত এই যে কর্তব্যের খোঁচা তোমাকে অস্বস্তি দেয়, কেবল তাও নয়।







বুনো জন্তুদের সঙ্গে আমাদের সম্পর্কটি যে শেষাবধি প্রায় সর্বদাই
বিয়োগান্ত হয় সেটাই দুঃখের কথা। অরণ্যজগতের নিয়ম ভাঙলে সে
তার পুরো খেসারত আদায় করে নেয়।

ছেলেটিকে জিজ্ঞেস করতে চেয়েছিলাম: শেয়ালটিকে সে কী নামে
ডাকে, কোথায় পেয়েছে, কী খায়। আমার তো নিত্যদিন ইন্দুর
যোগানোর সাধ্য হবে না। আর ঠিক তখনই আলিওনা ঘূর্ণিবাত্যার
মতো আমার উপর চড়াও হল, সঙ্গে ওই কুকুরটি, যেজন্য আমাদের
বাজারে আসা। দেখলাম সত্যিই এক অ্যালসেশিয়ান। জড়সড়, শান্ত
আর কেমন যেন করুণ চেহারার। শেষ পর্যন্ত একজন খন্দের জুটে
যাওয়ায় যেন হাতে স্বর্গ পেয়েছে এই আনন্দে সে মেয়ের পিছু পিছু
চলল একেবারে আঠার মতো সেঁটে। ওখানেই নামকরণ পর্ব শেষ —
কুকুরটির নাম হল শান্ত আর শেয়াল হল আলিসা।

ইতিমধ্যেই আলিসার প্রাক্তন মালিকটি উধাও। তাই এই বিস্তীর্ণ
উত্তরে এলাকায় আলিসার আসার কাহিনীটি আর জানা গেল না।
ছেলেবেলার প্রায় ভুলে যাওয়া রূপকথার রেশ থেকে মনে করা: এসেছে
তেপান্তর পেরিয়ে সরু সরু, লম্বা লম্বা পা চালিয়ে।

আলিসাকে বৃকে চেপে চারিদিকে সবার নজর কেড়ে ভিড় ঠেলে
এগুচ্ছিলাম। বেচারী বেজায় কাঁপছিল। একটি চতুর নাছোড়বান্দা ছোট
মেয়ে আমার পিছু নিয়েছিল। তার একটানা বিরক্তিকর প্রশ্ন, 'এই
যে মাসিমা, ও মাসিমা, কিনলেন কেন ওটা? লোমের কলার বানাবেন?'

আলমারির নিচে বাঁকা বাঁকা ভয়ংকর নখের থাবার মুরগীর একটা




হলদে ঠ্যাং নিয়ে উল্টেপাল্টে ছুটোছুটি করছিল আলিসা। ওর রুচি সম্পর্কে তখনো কিছু না জানলেও সে যে নিরামিষাশী নয় তাতে সন্দেহ ছিল না।

তখনই হাড় ভাঙ্গার শব্দ শোনা গেল। আমার মেয়ে আলমারির নিচে উঁকি মারল আর হাড় ভাঙ্গার বদলে শুনলাম কাশির আওয়াজ। আলিসার গলায় হাড় বিঁধেছে ভেবে আমরা ভয় পেয়েছিলাম। কিন্তু অচিরেই জানা গেল এই কাশির আওয়াজটা আসলে কসাঁকদের মেজাজ দেখানোর, মাঝারি ধরনের রাগের একটা ধরন।

পুঁসি ঘরে এলে আলিসা আরেক ধরনের মেজাজ দেখাল। বিড়ালটি স্বভাবতই তখন অস্থির আর বিরত, বুনো জন্তুর গন্ধে উত্তেজিত। আলিসা আলমারির তলা থেকে ছুটে বেরুল, কুকুরছানার মতো চড়া গলায় অবিরাম চেঁচাল। বুনলাম এটা তার চরম রাগের অবস্থা।

পিঠ উটের মতো কুঁজো করে পুঁসি জবাব দিল। আমি তড়িঘড়ি তাকে তুলে যখন ঘরের বাইরে নিয়ে গেলাম, তখনো সে থুথু ছিটাল, রাগে গর্গর্ করল।

শান্তকে যথারীতি পরিচয় করিয়ে দিতে গেলে আলিসা তাকেও এইভাবে আপ্যায়ন করল। বাজার থেকে ফেরার পথে দু'জনেই এতটা বেহাল ছিল যে কেউ কারও দিকে তাকায় নি। কিন্তু বাড়ি এসে চলাফেরার পুরো স্বাধীনতা পেয়ে নিজের এলাকাটিতে কিছুটা অভ্যস্ত হয়ে আলিসা নিজের মৌরসী স্বত্বটি কায়ম করে বসেছিল। নিরীহ শান্ত ওই পাগলাটে দাঁতখিঁচান, বেআদব খুঁদে জন্তুটির দিকে অবাক হয়ে



তাকিয়ে রইল। ওকে ছুড়ে ফেলার জন্য তার একটি খাবাই তো যথেষ্ট। তাই পরিচয়ের আয়োজনটি ভেসে গেল। কুকুরটিকে সরিয়ে নিলাম।

পুঁসি ও শান্তকে এতটুকু আশকারা না দিয়ে সে সবগুঁলি আসবাব, চেয়ার, টেবিলের পা শৃঙ্খলে লাগল। শেষে লাফিয়ে উঠল জানালার কাছের আরামকেদারায়, তারপর সামনের দু'পায়ে জানলার তাকে ভর দিয়ে বাইরে মস্কোর তুষার-ঢাকা চত্বরের দিকে দারুণ কৌতুহলে তাকিয়ে রইল। অতঃপর প্রতিদিন ক্রমাগত অজস্রবার এই কসরৎ। জানালার ওপারেই অবাধ মৃদুস্তি।

চীনা মাটির ছোট্ট অথচ গভীর একটা ছাইদানিতে মাংসের কিছুটা ঝোল ঢেলে আলিসাকে ডাকলাম। সে শৃঙ্খলে দেখল, গুঁটিসুঁটি মেরে বসল এবং পরমহুঁতের নিপুণ লক্ষ্যভেদীর ক্ষিপ্ৰতায় পাত্রটি উল্টে ফেলে খুব খোলাখুলিই তার প্রচণ্ড অনিচ্ছা জানাল। আমরা হতভম্ব। খেতে বসে এ কী ধরনের আচরণ!

পরে বুদ্ধিতে পারলাম যে ওরা সবসময় নিজেদের মনমতো গোপন জায়গায় খাবার জমিয়ে রাখে। কিন্তু তারা সাধারণত মাটিতেই তা পুঁতে রাখতে চায়। এখানে তো মাটি নেই। তবু আলিসা দিবিচ্য চালিয়ে নিল। সহজাত অভ্যাস।

আমার কিন্তু সন্দেহ হয়েছিল এ ব্যাপারে আলিসার অদ্ভুত রসবোধ আছে। খুঁদে শয়তানটি খাবার অপছন্দ হলেই সব সময় পাত্রটি উল্টে ফেলত।



রাত এলেই আলিসা দারুণ চাপ্পা হয়ে উঠল। কাঠবিড়ালীর মতো সে সারা ঘরে ছুটাছুটি করতে করতে, চেয়ারে লাফিয়ে উঠতে নামতে লাগল। শেয়ালরা নিশাচর। কিন্তু আমরা তো আর ওই জাতীয় জীব নই। রাতে আমাদের ঘুমানো দরকার। তাই ঠিক করলাম ওকে বাথরুমে আটকে রাখব। কিন্তু কথার চেয়ে কাজটি অনেক কঠিন ছিল।

সারাটা দিন খাবার ঘরে যাতায়াতের সময় আমরা তড়িঘড়ি দরজা বন্ধ করেছি, পাছে ধড়িবাজ শেয়ালটি হলঘর পেরিয়ে অন্যসব ঘরেও ছুটাছুটি শুরু করে। খাবার ঘরেই কেবল চিড়িয়াখানার ওই বোটকা গন্ধটাই আমাদের জন্য যথেষ্ট ছিল।

কিন্তু আলিসা জেদ ধরল পুরো ফ্ল্যাটটাই তার দখলে চাই। শেয়ালী ধূর্তামী, একগুয়েপনা, ফন্দিফিকির খাটাতে একটুকু কসর করল না।

কিন্তু হলঘরের দরজা খোলা দেখা মাত্র, তাকে ওখান থেকে এক-পা নড়ান গেল না। সদুতোয় মাংসের টুকরো ঝুলিয়ে বিড়ালছানার মতো আলিসার সঙ্গে খেলতে খেলতে তাকে হলঘরে ভুলিয়ে আনার চেষ্টা করলাম। সে ছুটতে ছুটতে হলঘরে এল। কিন্তু কেউ খাবার ঘর বন্ধের বিন্দুমাত্র চেষ্টা করতেই তাকে দিব্য হারিয়ে দিল, আবার নাগালের বাইরে চলে গেল। খুশিমাখা, তুষ্ট তার তেরছা ‘ঢঙ্গী’ চোখদুটি দৃষ্টিমিতে জ্বলজ্বল করছিল। সে ভেঙেচিতে মুখ অনেকটা হাঁ করে স্পষ্টতই আমাদের ঠাট্টা করল।

এভাবে রাত দুটো পর্যন্ত আমাদের ‘তামাশা’ চলল। সমবেত কারিগরির ফল হিসাবে তৈরি হল এক জটিল সরঞ্জাম, যাতে ছিল



একট দড়ি, তার একদিক আলিওনার হাতে, অন্যটি দরজার হাতলে বাঁধা। কিন্তু তাতেও তেমন কিছ্ হ'ল না। আলিওনা টান দিয়ে দরজা বন্ধ করার আগেই আলিসা ঢুকে যেতে লাগল।

কিন্তু শেষাবধি ফাঁদে কাজ হ'ল। আলিসা হয়ত ক্লান্ত হয়ে এই খেলায় হাল ছেড়ে দিয়েছিল। যা হোক ক'রে বাথরুমেই তাকে সঁধান গেল।

এতে এতটা উত্তেজিত হয়ে পড়েছিলাম যে ঘুম না আসায় ঘুমের বড়ি খেতে হ'ল। কেবল ঝিমুনি এসেছিল আর তখনই শুনলাম কানফাটা ঝন্ঝন্ শব্দ।

লাফিয়ে উঠে ছুটলাম বাথরুমে। দেখলাম এক অভাবনীয় তুলকালাম কান্ড। পেছনের দর'পায়ে ওয়াশবেসিনে দাঁড়িয়ে আলিসা সামনের থাবা দিয়ে পরিপাটিভাবে কাঁচের তাকের সব কিছ্ একটা একটা করে নিচে ফেলছে: টুথব্রাস রাখার গ্লাস, দাঁতের মাজনের বাস্ক, সাবান, শ্যাম্পু, ওডিকলোন, ক্রিমের কোটো। বেসিনে, মেঝেতে ওগুর্লি পড়ছিল — ভেঙে খানখান, থেঁতলান, ছত্রাখান।

একটুকু না-ঘাবড়েই শেয়ালটি দিব্য ধীরেসদৃশ্ছে আমার দিকে মূখ ফেরাল — নাক-মূখ দাঁতের মাজনে সাদা। হাঁ-মূখে সেই চেনা ভেঙিচি।

জঞ্জালগুলো সরালাম। আলিসার নাগালের মধ্যকার সম্ভাব্য সব কিছ্ বাথরুম থেকে সরিয়ে হ'লঘরে আনলাম। আরও দর'টি ঘুমের বড়ি গিলে শান্তিতে ঘুমুতে গেলাম। ভাবলাম এখন ত আর ওর কোন অস্ত্র নেই যা দিয়ে আমার ঘুম ভাঙাতে পারে।



হায়রে দূরাশা! আমার সুখ আর নিদ্রা কোনটাই টিকল না।
শেয়ালের বৃদ্ধিসুদ্ধির হিসাবে ভুল করেছিলাম।


এক অদ্ভুত আঁচড়ানোর আওয়াজে ঘুম ভাঙল। শেয়ালের মৃন্ডপাত
করে উঠে বসলাম। বাথরুমে গিয়ে দেখলাম সে বাথটবে হড়কাচ্ছে,
যেমনটি শিশুরা প্লেজ নিয়ে বরফের চিপি থেকে নামে। এই অদ্ভুত
'শিশুটি' তার থাবাগুলো (সম্ভবত নেমে আসার বেগ কমানোর জন্য)
কাজে লাগিয়েছিল আর সেই আঁচড়ানোর আওয়াজেই আমার ঘুম
ভেঙেছে।

বুঝলাম ওর 'রাত' না হওয়া অবধি সেই সকাল পর্যন্ত খেলাটি
চলবে।

দু'দিন যেতেই আলিসা মনে হল অসুস্থ হয়ে পড়েছে। নিজের
গালিচাটি হেলায় ঠেলে (গরম!) বেচারী ঠান্ডা টালিতে একপাশে শুয়ে
আস্তে গোঙাতে লাগল। শ্বাসে জ্বরের আঁচ, নাক শুকনো, গরম।

তাকে পশুডাক্তারের কাছে নিয়ে গেলাম, সকলের দৃষ্টি পড়ল ওর
ওপর। এমন কি ধবধবে সাদা রঙের চোখজুড়ান ডালকুত্তাটিও মৃহুর্ভে
অপাংক্তেয় হয়ে গেল।

কিন্তু নিজের এতটা সমাদরও আলিসার মন কাড়ল না। অবস্থা
আরও খারাপ হয়ে উঠল। আমাদের আর লাইনে দাঁড়াতে হল না।
কিছুক্ষণ আগে এক বৃড়িকে আমরা কাঁদতে দেখেছিলাম — তার
নেশাখোর বেড়ালটা ভালেরিয়ানের আরক খেতে গিয়ে শিশির মৃথের
রবারের ছিপি গলায় আটকে যায়-যায় অবস্থা হয়েছিল। এরই মধ্যে





দেখি বড়ি খুশমেজাজে তার সদ্য সেরে ওঠা বেড়ালটা নিয়ে বেরুচ্ছে।
আমিও সঙ্গে সঙ্গে আলিসাকে নিয়ে রোগী-দেখার ঘরে ঢুকলাম।

প্রথমেই তারা কাঁপনি-ধরা শিশু-রোগীর লেজের তলায় একটি থার্মোমিটার ঢুকিয়ে দিল। তাপমাত্রা ৪৪.৫° ডিগ্রি সেন্টিগ্রেড। জন্তুদের জন্যও খুব বেশি, যদিও ওদের তাপমাত্রা মানুষের ওপরেই থাকে। ডাক্তার আলিসাকে ঠুকে ঠুকে, খুঁটিয়ে খুঁটিয়ে পরীক্ষা করে শেষে বললেন, 'নিমুনিয়া'।

আলিসার নিশ্চয়ই ঠান্ডা লেগেছিল বাজারে। বরফের ওপর অনেকক্ষণ একটাই বসে বসে, উত্তেজনায় হাঁ-মুখ করে অটেল তুবারহিম বাতাস গিলেছিল সে।

'খুবই অসুস্থ ও,' পশুডাক্তার বললেন। পেনিসিলিন ইনজেকশন দরকার। কিন্তু ইনজেকশন দিলে বুনো জন্তুর শক্ লাগতে পারে। প্রথমে বড়ি দিয়ে দেখা যাক। নাম কি?'


'আলিসা।'

'পদবি?'

'পদবি?' ঘাবড়ে গিয়ে পুনরাবৃত্তি করি।

'আপনার পদবি কী?' অধৈর্য ডাক্তার প্রশ্ন করলেন।

আমার পদবি বললাম। ডাক্তার ব্যবস্থাপত্র লিখলেন। পথে একটি ওষুধের দোকানে থামলাম। ব্যবস্থাপত্রটা খুলে দেখি রোগীর নামধাম-পদবির জন্য নির্দিষ্ট জায়গায় কালো অক্ষরে লেখা: 'শেয়াল আলিসা দুনিয়া'।



তারপর আলিসা দুর্দিনাকে সারিয়ে তোলার জন্য তেতো বড়ি
গেলানোর সমস্যা দেখা দিল। দিনে তিনবার একটি শেয়ালকে ঠকান
চাটুখানি কথা নয়।

প্রথমে কাঁচা লিভারের একটি টুকরো চিরে তাতে বড়িটা ঠেসে
দুকালাম। প্রথম বার আমার চালাকিতে কাজ হল। রোগী খাবার আর
ওষুধ দুটোই খেল। কিন্তু গেলার পর তাকে বিব্রত, বিরক্ত দেখাল:
'ভেতরে কী আজীবাজে জিনিস ঢুকিয়ে খাওয়ালে?'

দ্বিতীয় বার আলিসা লিভার খেল, বড়ি বাদ পড়ল। তৃতীয় বার
খাবার থেকে সরাসরি মদ্য ফিরিয়ে নিল।

আবার সে নিঃশব্দে একপাশে কাত হয়ে শুয়ে পড়ল। এককালের
ফোলানো লেজটা এখন পেছনের দৃ'পায়ের মাঝখানে। আশ্তে আশ্তে
গোঙাচ্ছে, শান্ত শিশুটি যেন।

পৃথিবীর কোন শক্তি যে আলিসাকে আর বড়ি খাওয়াতে পারবে না
তাতে সন্দেহ ছিল না। কিন্তু ওষুধ ছাড়া তো ওর বাঁচারও উপায় নেই।
তাই আবার পশুডাক্তারের কাছে এলাম।

'দেখুন, আর তো উপায় নেই,' তিনি বললেন, 'ইনজেকশনের
ঝুঁকিই নেওয়া যাক।'

নার্স আলিসার পা টেনে ধরল। ডাক্তার মোটা ছুঁচের একটা সিরিঞ্জ
নিলেন। খরাপ একটা কিছূ হওয়ার আশঙ্কায় আমার নিঃশ্বাস বন্ধ
হয়ে এল। কিন্তু কী স্বস্তি! সবই ভালোয় ভালোয় উৎরাল।

আলিসা ক্রমেই সেরে উঠছিল। কিন্তু রোজ তিন-তিনটে ইনজেকশন



দিতে দিনে তিন বার ওকে ডাক্তারের কাছে নিয়ে যাওয়া আমার পক্ষে সম্ভব ছিল না। তাই আমার স্বামী, জীবনে যে কোনদিন সিরিঞ্জ ধরে নি, সে দঃসাহসী সিদ্ধান্ত নিল: আলিসাকে নিজেই ইনজেকশন দেবে।

আলিসা সতর্ক হয়ে আছে, একটা সন্দেহ দুকেছে তার মনে। তাকে কোলে নিয়ে আমি বসলাম। আমার স্বামী সিরিঞ্জে ওষুধ ভরল। ওর পেছনের এক ধরনের পা আশ্রয় করে টেনে ধরল, আয়োডিন ঘসল, শক্ত হাতে ছুঁচ ঢুকিয়ে দিল। আলিসা কেঁপে উঠল, পেছন থেকে কোন কুচক্রী 'কামড়েছে' তাকে দেখার চেষ্টা করল। কিন্তু কেন জানি ওষুধ ভেতরে গেল না। প্রথম নিষ্ফলতার পর আনাড়ি বদ্যি চোখমুখ কুঁচকে সিরিঞ্জ তুলে নিল। আবার সে পা ঠিকঠাক করল, আর তখনই দেখলাম ডান হাতটি একেবারে আলিসার মুখে। আমার এই আবিষ্কারের ঠিক সঙ্গে সঙ্গে আবার ছুঁচ ঢোকাল আমার স্বামী। আমি চোখ বৃজলাম। আলিসা একবার লোহার শেকলটা দাঁত দিয়ে অনায়াসে কেটে ফেলেছিল। যারা তাকে অকারণে জ্বালাতন করছে তাদের সঙ্গেই বা সে ভদ্রতা করবে কেন? সত্যিই তো একটা বুনো শেয়ালছানা কী করে বৃষতে পারবে যে ওর ভালোর জন্যই আমরা ওকে কষ্ট দিচ্ছি?

কিন্তু সে বৃষত। যেন সাধারণ বোধের বাইরে অন্য বোধ তাকে ঠিক তাই বলেছিল। কিংবা হয়ত আমার ওপর অটল বিশ্বাস ছিল। আলেঞ্জেই ছুঁচ ফোটানোর সময় শুধু সে কিছুটা দাঁতে দাঁত চেপে বসেছিল।

এবার সে তাড়াতাড়ি সেরে উঠতে লাগল। ভালো হয়ে ওঠার



অনেকগুলো স্পষ্ট লক্ষণের মধ্যে সবচেয়ে বড় লক্ষণ ছিল — আবার সেই বেদম দরস্তপনা। তার প্রথম দরস্তপনায়ই আমরা পুরোপুরি আশ্বস্ত হলাম।

অল্পদিনের মধ্যেই আলিসা পুরোপুরি বদলে গেল। বাজারের হতভাগ্য, বাতিল-করা, ঠান্ডায় কাঁপনি-ধরা রোগাপটকা প্রাণীটি আমাদের সংসারের আদর্শ হয়ে উঠল, আমাদের ছোট্ট পরিবারের সকলের মন কাড়ল।

আলিসার মন পাওয়ার জন্য আমাদের মধ্যে কাড়াকাড়ি পড়ে গেল। আমিই হলাম তার মনের মানুষ আর সেজন্য আমার দেমাকও কিছু কম ছিল না।

কেবল আমিই তাকে কোলে নিতে পারতাম। কিন্তু তাতেও প্রথম কিছুক্ষণ সে কাঁপত, কান নোয়াত, মানুষের প্রতি অনুরাগের সঙ্গে বুনো জন্তুর সহজ প্রবৃত্তির লড়াই চলত।

আলিসা একমাত্র আমার হাত থেকে সরাসরি খাবার খেত। একটু একটু কামড়ে কামড়ে অদ্ভুত নৈপুণ্যে সে খাবারটুকু সাবাড় করত। আঙুল নিয়ে আমার কখনই কোন ভয় ছিল না।

একদিন আমার স্বামী আমার দৃষ্টান্ত অনুসরণ করে ওকে হাত দিয়ে খাওয়াবে ঠিক করল। সে তাকে এক টুকরো লিভার দিল। আলিসা খুশিমনেই সেটা নিল, কায়দা করে মেঝের উপর রাখল এবং তারপরই হঠাৎ এক লাফ দিল। ‘অম্নদাতার’ আঙুল কামড়ানোর ঠিক চেষ্টা না বলে প্রতীক বলাই ভালো — খুবই স্পষ্ট করে সে বুদ্ধি দিয়ে দিল —





ঘুস দিয়ে আমাকে ফুসলানোর চেষ্টা করো না, তেমন পাত্র আমাকে পাও
নি! শেষে লিভারের টুকরোটা ধীরেসদৃশ্বে খেতে শুরুর করল ভারি কষ্ট
মেজাজেই।

আমার মেয়েটিকে আলিসা রীতিমতো খেঁদিয়ে বেড়াতে লাগল।
আলিসার ভয়ে সে কাঁটা হয়ে থাকত। সে তার পায়ে দাঁত বসানোর
তালে থাকত। আলিওনা ঝাড়ু হাতে বাগিয়ে ধরে লম্বা লম্বা পা ফেলে
অদ্ভুত ঢঙে ঘরে ঘরে বেড়াত, প্রায়ই পরিদ্রাহি চিৎকার শোনা যেত,
'মা, শিগগির এসো!'

আলিওনা এমন কী করেছে যার জন্য আলিসা তাকে দু'চক্ষে দেখতে
পারে না? কে জানে? কোথেকে কে জানে এখানে এসে-পড়া স্ত্রুপের এই
শেয়ালটার জীবনের আগের কথা আমাদের কিছুই যে জানা নেই!
হয়ত কোন হিংসুটে মেয়ে কখনো তাকে জ্বালাতন করে থাকবে আর
আলিওনা তারই মতো দেখতে — ঢেঙা, মাথার চুল উসকো-খুসকো,
উঁচু কণ্ঠস্বর, তড়বড়ে চলাফেরা।

কিংবা হতে পারে আলিওনার ঝাঁকি মেরে চলা বা চেঁচিয়ে কথা
বলাটা আলিসার পছন্দসই নয়। কে জানে?

আমি নিজে কিন্তু খুব হুঁশিয়ার হয়ে চলতে বলতে শিখলাম।
বন্ধুরা তামাসা করে বলতে লাগল যে আলিসা আসার পর আমি নাকি
হাঁটি না, ভেসে চলি, আড়মোড়া ভাঙ্গি না কেবল হাত নাড়ি, কথা বলি
না, ফিস্‌ফিস্‌ করি।

বন্ধুরা জিজ্ঞেস করে — পোষা কিছু না রেখে এই বুনো জন্তুটা



কেন রেখেছি। ওটার জন্য তো আসলে আমার ঝগড়ার একশেষ।

উত্তরে শুধু কাঁধ ঝাঁকানি। কেন? কারণ ওটি আমার জীবন আনন্দে ভরে দিয়েছে। আমার ভালোবাসা একটি অবাধ্য খুঁতখুঁতে জন্তুকে জয় করেছে বলে আমি আমাদের মধ্যে এতটা সমঝোতা ও বিশ্বাসের নতুন বন্ধন দেখে খুঁশি হয়ে ওঠি।


আমার দারুণ ভালো লাগে, যখন শুনি যে ঘরে ফেরার সময় লিফ্টের দরজা খোলার আওয়াজেই আলিসা কান খাড়া করে ঝিঁঝি পোকাকার মতো চিঁচিঁ শব্দ করে কুকুরের মতো দরজায় ছুটে আসে। কিন্তু ঘরে ঢুকলে এমন ভাব দেখায় যেন নিজের কাজেই সে হলঘরে এসেছিল, আমাকে তোয়াজ করতে নয়। দেমাকে যেন মাটিতে পা পড়ে না। এখানেই কুকুরের সঙ্গে তার তফাত।

আর এই স্বভাবগুণিই আমার ভালো লাগত সবচেয়ে বেশি: অহংকার, সংযম ও স্বাধিকার। এতে অনুরাগের প্রতিটি ইঙ্গিত আরও লোভনীয় হয়ে উঠত।

অবসন্ন, নিজের ওপর বিরক্ত, আমার মানুষ-জীবনের অজস্র দৃষ্টিভঙ্গির ভারে হতাশ আমি কোন বিকেলে যখন সোফায় কুঁজো হয়ে বসতাম তখন হঠাৎ এই খুঁদে বুনো জীবটি লাফিয়ে উঠে কোলে গুঁটিসুঁটি মেরে মুখ গুঁজত — আমার আনন্দের অবধি থাকত না।

আর দৃষ্টান্ত? মায়েরা এজন্য, এমন কি কখনো দিশেহারা হলেও, সন্তানের প্রতি তাদের ভালোবাসার কোন ঘাটতি ঘটে?

সব মিলিয়ে আলিসার স্বভাব ছিল বাঁদুরের। অনাসৃষ্টি ঘটানোর





আবেগটা সে ধরে রাখতে পারত না — জিনিসপত্র ছিঁড়ত, ভাঙত, চিবোত। সেজন্যেই আমরা কেউ বাড়িতে না-থাকলে আর রাতের বেলা শুধু ‘আপন ভুবন’ হলঘরটির মধ্যেই থাকার অধিকার তার ছিল। কিন্তু ব্যবস্থাটি ওই বাঁদরটার কখনোই মনমতো হয় নি। বার বার সে আমাদের ঘরগুলোর দরজা আঁচড়েছে, নিচে গর্ত খুঁড়েছে। একদিন সকালে দেখি তুলকালাম কাণ্ড — হলঘরের পাটাতনের অর্ধেকটাই উদোম, কাঠের প্রত্যেকটা টুকরো তোলা।

আমরা বাড়ি থাকলে আলিসাকে আমাদের ঘরে ডেকে আনা হত কিংবা না ডাকলে সে হুড়মুড় করে ছুটে আসত। দুঃখের ব্যাপার সে সব সময়ই ঘরের কোনের সবচেয়ে ঝঞ্ঝির ঘুপসিগদালি খুঁজে পেত, ওখানেই পাকাপোক্ত ‘আস্থানা’ গাড়ত।

আলিসা মাঝেমধ্যে আলমারির তলা থেকে জমকাল লেজটি ধরে তাকে টেনে বের করার দুল্লভ সুযোগ আমাকে দিত। সে হুমকি দিয়ে কাশত, দাঁত খিঁচাত, কটমট্ করত, কিন্তু শেষপর্যন্ত বাগ মানত।

কিন্তু চুপিসারে সোফায় উঠে গদির স্প্রিংয়ের মধ্যে নিজের মতো করে একটি খোড়ল বানাতে ওকে কী করা? গোড়ায় আমরা ভ্যাকুম ক্লিনার খুঁড়োর সাহায্য নিতাম। মর্শকিল-আসান ভ্যাকুম ক্লিনারকে আমরা... সম্মান ক’রে এই নামটিই দিয়েছিলাম। যন্ত্রটির প্রথম ঘর্ষের শোনামাত্র আলিসা সোফা থেকে লাফিয়ে নামত, চোখ বড় বড় করে তাকাত, তারপর ছুটে গিয়ে বাথরুমে তার গালিচার ওপর শূয়ে পড়ত। কিন্তু কিছু দিনের মধ্যেই ভ্যাকুম ক্লিনারে সে অভ্যস্ত হয়ে উঠল। তার



ভয়ডর উবে গেল, প্রচণ্ড আক্রোশে যন্ত্রটার দিকে গর্গর্ করিতে লাগল।
এমন কি পরে কামড়ানোর চেষ্টাও করত।

তার আরেকটি চমৎকার শখ ছিল — টেলিফোনের তার চিবোন।...

কিন্তু আমাদের সবচেয়ে অসহ্য লাগত সারা ঘরে, এমন কি সিঁড়ি পর্যন্ত ছড়ান চিড়িয়াখানার বোটকা গন্ধ।

আমি বাসে বা পাতালরেরের কামরায় ঢুকলে লোকজন নাক কুঁচকাত — আমার সারা জামাকাপড়ে আলিসার গন্ধ। পাতালরেষে একদিন জনৈকা বিষমদুখো হিংসুটে বড়ির গলা কানে এল, ‘হা ঈশ্বর, চোখে তো দিব্যি রংচং মাখা, আর ওদিকে গায়ে ছাগলের কী গন্ধ রে বাবা!’

এ থেকে মৃত্তির কোন পথ ছিল না। সব ধরনের সুগন্ধিই তাতে হার মানত।

ওইসব দিনে হাতে নেকড়া নিয়ে কনুইতে ভর দিয়ে হামাগুড়িতে আমার বেশির ভাগ সময় কাটত। ঘসে ঘসে পরিষ্কার করা জায়গাগুলিতে সঙ্গে সঙ্গে মূখ-ধোয়ার একটি জিনিস ছড়াতাম। ওষুধের দোকান থেকে এগুলো একগাদা কেনায় দোকানী বেশ অবাকই হয়েছিল।

ভারত-ফেরতা আমার এক বন্ধু একটি অমূল্য উপহার দিয়েছিল — চন্দনের ধূপকাঠি। আমরা ওগুলোর নাম দিয়েছিলাম ‘শিয়ালমারা’। তারপর থেকে অতিথি আসার আগে আগে আমি ঘরগুলোকে ধোঁয়ায় ভরে তুলতাম। একটা কিংবা দুটো সুগন্ধি ধূপকাঠি জ্বালাতাম। ক্ষয়ে ক্ষয়ে জ্বলে সেগুলো সমস্ত বাড়িতে এক মধুর, নেশা-ধরা ধোঁয়া ছড়াত,



সুদূর ভারতের কোন রহস্যময়, অজানা মন্দিরের গন্ধে ঘরগুলো ভরে উঠত। আর আলিসার ... কোন শিয়ালমারাই শতভাগ আলিসা-প্রদূষ ছিল না।


সৌভাগ্য, গরমকাল আসার আগে আগে আলিসার গন্ধের সমস্যাটির কিছুকালের জন্য সুদূর হা হা। মস্কোর শহরতলীতে আমরা একটা বাগানবাড়ি ভাড়া নিলাম। চারিদিকে ঘের দিয়ে একটা কুকুরের খোঁয়াড় তৈরি করলাম — আলিসার জন্য বিলাসী আবাস।

নতুন বাড়িতে আসার পরদিন অবাক হয়ে দেখলাম ঘেরা জায়গায় আলিসা আর শান্ত মজার এক খেলায় মেতেছে। আমরা কুকুরছানার মতো ধস্তাধস্তি করছিলাম ওরা। অথচ শেয়ালের প্রতি কুকুরের ঘৃণার তো শেষ নেই! এই কিনা শেয়ালের প্রতি কুকুরের তথাকথিত মজাগত ঘৃণার প্রমাণ !

অবশ্যই বলব যে শান্তর মতো এমন ভালো স্বভাবের মিশুক প্রাণী আমি জীবনে দেখি নি। সে সকলেরই বন্ধ হওয়ার চেষ্টা করত, এমন কি মাশা-ঠাকরদের এই ভাড়াবাড়ির এলাকায় রাতের অতিথি বুনো সজারদের সঙ্গেও। তবে সবসময় তার এইসব চেষ্টার পরিণতি একরকমই হত। রক্তমাখা জখমী নাক আর বিনষ্ট আশায় তা শেষ হলেও এর পরের বারের কাঁটাওয়ালা খুঁতখুঁতে পিঁড়িটি যে তার অমল ধবল মনের খোঁজ পাবে সে-বিশ্বাস হারাত না।

কিন্তু শান্ত ওই খোঁয়াড়ে ঢুকল কী ভাবে? দু' মিটার উঁচু বেড়া লাফিয়ে?... ঠিক আছে, দেখা যাক ফেরার পথে কী করে?







কিন্তু, মনে হল খুব সহজেই কাজটা সে সারল। থাবা দিয়ে তারের জাল আঁকড়ে ধরে বিড়ালের মতো দিবি্য বেড়া ডিঙাল। দৃশ্যটি নয়নভুলানো না হলেও 'বেড়ার উপর কুকুর' এই প্রবচনটি চোখে দেখার সৌভাগ্য হল।

শান্ত এখন দিনে বা রাতে যেকোন সময় তার বন্ধুর কাছে হাজির হতে পারত। দেখাশোনার ধরনে সাধারণত কোন রকমফের ঘটত না। শান্তকে দেখামাত্র উতলা আলিসা খোঁয়াড়ের বেড়ার ভেতরে ছটফট শুরুর করত। এটা চলত যতক্ষণ না শান্ত আলিসার রাজ্যে লাফিয়ে পড়ে ওর উদ্যত লেজটা কামড়ে ধরে ফেলার দূরাশায় পিছুর পিছুর ছুটত। শিকারী ও শিকারের উত্তেজনা চরমে পৌঁছত। আলিসা কখনো হঠাৎ এমনভাবে বাঁক নিত যে শান্ত পুরোবেগে চলতে চলতে ঢাল সামলাতে না পেরে খোঁয়াড়ের বেড়ার ওপর হুঁমড়ি খেয়ে পড়ত।

লড়টোপড়টির আওয়াজ শুনে কখনো পুঁসি ছুটে আসত। খোঁয়াড়ের একটি খুঁটির ওপর উঠে টঙের সান্দ্রীর মতো গাঁট হয়ে বসে থাকত, চওড়া হলুদ চোখ মেলে 'লড়য়েদের' দেখত। অবশ্যই সে ছিল আলিসার পক্ষে। নৃশংস কুকুরের কামড়ে বেচারী শেয়াল কখন যে অক্লা পায় এই ভয়ে সে কুঁকড়ে থাকত। সেইসব মৃহুতে সে পিঠটা যথাসম্ভব উঁচু করে, বাঁকিয়ে, লোম খাড়া করে প্রাণপণে ফোঁসফোঁস করত। যেন এখনই শান্তর ওপর লাফিয়ে পড়বে। অনেক বারই শেষ মৃহুতে তাকে টঙ থেকে হিঁচড়ে নামিয়েছি।


আলিসা আর শান্ত একই সঙ্গে গামলায় খাবার খেত। বাড়ির



করাঁঠাকরুন হিসাবে আলিসা সব সময়ই প্রথম শরু করত। শান্ত সাবধানে পাশে দাঁড়িয়ে ঠোট চাটত, বন্ধুর ভোজ শেষ না হওয়া অবধি ধৈর্য ধরে অপেক্ষা করত। কিন্তু বন্ধুটি ছিল বেজায় হিংসুটে আর সবটুকু খাবার গেলা সাধ্যে কুলোবে না ভেবে বেরোয়া হয়ে উঠত। মাংসের বড় বড় টুকরোগুলো সে না চিবিয়ে তড়িঘড়ি গোত্রাসে গিলত। আমার সব সময়ই ভয় হত, গলায় মাংস আটকাবে! শেষ পর্যন্ত দু'জনের জন্য বরাদ্দ মাংস ঠাসার মতো পেটে আর জায়গা নেই বন্ধু বড় এক টুকরো মাংস কামড়ে ধরে এদিক ওদিক দুঁড়ে বেড়াত। সে যেন বলতে চাইত বন্ধু আর যেখানেই হোক এখানে খাটে না।

বাতিকগ্রস্তের মতো আলিসা শেষপর্যন্ত ওই অমূল্য ধনীটি মাটিতে পুতে ফেলত আর তক্ষুনি আবার অস্থির হয়ে সেটা তুলে ফেলে মুখে নিয়ে খোঁয়াড়ের চারিদিকে ঘুরে বেড়াত। শান্ত নিশ্চিন্তে তার এই উদ্ভট ছুটোছুটি দেখত এবং শেষে একসময় তেমনি নিশ্চিন্তে লুকানো ভাঁড়ারটি হাত দিয়ে, নাক দিয়ে খুঁড়ে ওই খাবারটুকু সাবাড় করত।

শিয়াল আর কুকুর হরিহর আত্মা হয়ে উঠেছিল। তাদের এই বন্ধুত্ব দেখে আমরা সত্যি খুঁশি হয়েছিলাম। কিন্তু একদিন কুকুরছানার বিলাপী কান্না কানে এল। কে নালিশ করছে? কাকে কে ব্যথা দিল? দেখলাম আলিসা কাঁদছে। খেলা জমে উঠতেই শান্ত তাকে ফেলে গেছে। নিদ্রা বন্ধুর জন্য সে ছোট বানর-ছানার মতো তারের জাল বেয়ে উপরে ওঠার চেষ্টা করছিল, কিন্তু আধ মিটারের বেশি ওপরে সে উঠতে পারছিল না, পড়ে যাচ্ছিল, আবার উঠছিল, পড়ছিল...





তারপর সেই করুণ বিলাপ প্রায়ই শুনতাম। আলিসার খোঁয়াড় ডিঙান মক্শ করে শান্ত আমাদের বাড়ির বেড়া ডিঙাতে শব্দ করল। সে আর বাড়িতে তিষ্ঠাত না। ছুটত গাঁয়ের এক দঙ্গল কুকুরের পিছ। প্রায়ই বহুকণ্ঠের প্রচণ্ড চিৎকার শোনা যেত। বন্ধুতাম কুকুরের আরেকটি লড়াই শব্দ হয়েছে।


মাঝেমধ্যে একনাগাড়ে তিন দিনের জন্য শান্ত নিখোঁজ থাকত আর ফিরত সারা গায়ে কামড়ের দাগ নিয়ে, হাড়িসার করুণ চেহারা নিয়ে। গলার বকলসটা সবসময়ই খুঁইয়ে আসত সে।

বাড়ি ফিরে শান্ত বেড়া থেকে তার ঘর পর্যন্ত পথটুকু হামাগুড়ি দিতে দিতে আসত। কয়েকদিন কোথাও বেরত না। বসে বসে সারাদিন ঘা চাটত, যেন মর্মান্বিত অন্তরে বাহিরে। তারপর আবার বেপান্তা।

আলিসা মনমরা নিশ্বেজ হয়ে পড়ল। আগেকার ফুতিবাজ স্বভাবটি আর রইল না।

এক সফরশেষে শান্ত একদিন আলিসার খোঁয়াড়ের দিকে এগোল। যেমনটি ভেবেছিলাম তা ঘটল না। আনন্দে পাগল হওয়ার বদলে আশ্চর্য্যক অর্থেই আলিসা মুখ ফিরিয়ে রইল। বৃথাই শান্ত ছুটোছুটি সেই আনন্দের খেলায় মাততে চাইল। কিন্তু আলিসা ওর দিকে উদাস চোখে তাকাল, ফোঁসফোঁসিয়ে উঠল, শেষে হেলেদুলে ঘরের দিকে ছুটে গেল।

খুব সকাল। আমার হাতে খাবারের গামলা।



আমাকে দেখামাত্র সারা রাতের উপোসী আলিসা অস্থিরভাবে বেড়ার ভেতরে ছটফট শুরুর করে। ভেতরে ঢোকান সঙ্গ সঙ্গ উচ্ছল কুকুরছানার মতো আমাকে ঘিরে সে লাফাতে থাকে, ধৈর্য হারিয়ে দাঁত দিয়ে কামড়ে আমার স্কার্ট টানতে শুরুর করে।


আমি তারপর খোঁয়াড় পরিষ্কার করি আর আলিসা খোশ মেজাজে আমাকে বিরক্ত করতে থাকে: পায়ে পায়ে ঘোরে, নোংরা খড় জড় করে তোলার জন্য আমি যখন বিদ্য তুলে নিই তখন সেটার ওপর লাফিয়ে পড়ে, যেন কিছুর ধরার জন্য তন্ন তন্ন করে খুঁজছে পায়ের ফাঁকে, ইন্দুর শিকারের সময় শেয়ালরা যেমনটি করে।

দিন ভালো থাকলে গোটানো যায় এমন একটি হালকা টেবিল ও চেয়ার নিয়ে আমি খোঁয়াড়ে ঢুকি। কাজে বসি। টেবিল আর চেয়ারের পায়গালোতে আলিসার দাঁতের দাগ।

আলিসার কাছে থাকার জন্য, তার আরও ঘনিষ্ঠ হওয়ার জন্য আমার প্রতিটি ঘণ্টা, প্রতিটি মিনিট আমি কাজে লাগাতে চাই।

খোঁয়াড়ে বসে আমি ভাবতে ভালোবাসি। অদ্ভুত এই তারের বেড়া যেন আমাকে নিত্যদিনের ঝামেলা থেকে, দর্শিচিন্তা থেকে আড়াল করে রাখে।

আলিসা মনোযোগ দাবি করে। সে টেবিলের পায়ায়, কখনো-বা আমার পায়ে দাঁত বসাতে থাকে। আমার মন একটুও বিক্ষিপ্ত হয় না। আমি আনমনে তার সঙ্গে খেলি, আপন চিন্তায় ডুবে থাকি। একটি চিন্তা আমাকে নিরন্তর আনন্দে আবিষ্ট রাখে: পৃথিবীতে অন্তত





একটি প্রাণী আছে যাকে আমি সকল দুর্দৈব থেকে আড়ালে রাখতে পারি।

(তখন আমি তাই বিশ্বাস করতাম। নিয়ম ও দুর্দৈবের অজের মিশ্রণ বা ভবিষ্যৎ থেকে যেন কাউকে বাঁচান যায়।)

মাঝেমধ্যে আমি আলিসাকে বনে বেড়াতে নিয়ে যেতাম। শিশুর মতো সে আমার কোলে থাকত। শেকলে বেঁধে কখনই তাকে হাঁটতে শেখান হয় নি। এই বনে বেড়ান আলিসা দারুণ ভালোবাসত। সে ছিল বানরের মতো কোঁতহলী আর বন তো মজার জিনিসে বোঝাই।

এমনি একদিন একটি ঘটনার ফলে আলিসার প্রতি আমার শ্রদ্ধা বহুগুণ বেড়ে যায়।

যথারীতি বেড়াতে গেছি। গ্রীষ্মশেষের নির্মেষ, ঈষৎ বিষন্ন এক দুপুর। ছুটির দিনের হুল্লোড়ে লোকেদের ভিড় আর নেই। ট্রানজিস্টারের পরিগ্রাহি আওয়াজ থেকে বন রেহাই পেয়েছে। তীরের মতো সোজা করে কাটা জঙ্গলের একটি ফালি দিয়ে আমরা চলেছি। বাচের গুঁড়িগুলো উজ্জ্বল, ঝকঝকে আকাশ, নিখর নৈঃশব্দ্য। হঠাৎ নারীকণ্ঠের চিৎকার কানে এল। আশপাশে চোখ ঘুরিয়ে তাকিয়ে দেখলাম বাছুরের মতো বিরাট এক সাদা লোমশ কুকুর ওই পথ দিয়ে সোজা আমাদের দিকে নিঃশব্দে হ্রিতে ছুটে আসছে। মূহুর্তে মনে পড়ল এটা দক্ষিণ রাশিয়ার ভেড়ার পাহারাদার জাতের হিংস্র পাইরেট কুকুর।

পাইরেটের পাহারায় রাখা বাগান থেকে আপেল-লোভী গাঁয়ের



ছেলেমেয়েরাই শুধু দূরে থাকে না, পরের ফল-ফলাদি সম্পর্কে নিরাসক্ত
বয়স্করাও ওই বাগানের বেড়ার পাশ দিয়ে যাওয়ার সময় সাদা লোমের
ঝোপে চোখ-ঢাকা বিশাল ভয়ংকর জানোয়ারটিকে হলুদ কষের দাঁত
খিঁচিয়ে ভেতরে ছটফট করতে দেখে তার দিকে নজর রেখে পা টেনে
টেনে চলেন।


আর এখন সেই ভয়ংকর জন্তুটিই আমাদের দিকে তেড়ে আসছে।
অনেকটা পিছিয়ে পড়া, উঁচু হিলের জুতো-পায়ে এক মোটাসোটা
মহিলা ছুটছেন, চেঁচাচ্ছেন, শেকলটা ঘুরাচ্ছেন। কুকুরটি তাকে
বিন্দুমাত্র আমল না দিয়ে এগোচ্ছে এক অটুট অশুভ নৈঃশব্দ্য।

আমাদের মধ্যকার ফারাক এক ভয়ংকর ভবিষ্য নিয়ে ক্রমেই কমে
আসছিল। দৌড়ে পালান বোকামিই হবে। তাতে বিপদ আরও বেশি।
ঠাই দাঁড়িয়ে থেকে মালিক তার শেকল নিয়ে না পেঁাছন পর্যন্ত
কুকুরটিকে কিছু বলে-কয়ে ভুলিয়ে রাখার চেষ্টা ছাড়া গতাস্তর ছিল
না। ভয় পেয়েছি তা না-দেখানোই মূলকথা।


কিন্তু আলিসার পক্ষে পালানোর তখনও যথেষ্ট সময় ছিল।
পাইরেটের কাছে আলিসাকে উৎসর্গ করার কোন বাসনা আমার ছিল
না। এখনই তাকে এই মূহুর্তে ছেড়ে দিতে হবে, এমন কি আর
কোনদিন খোঁজ না পেলোও।

আলিসাকে মাটিতে ছেড়ে দিতেই সে ঝোপের আড়ালে উধাও হল।

ওর পালানোটা হয় কুকুরটির চোখে পড়ে নি, কিংবা সে আমাকেই
যতসই শিকার ঠাওরেছে। সে তার হামলার লক্ষ্য পরিবর্তন করল না।







আমার দিকেই এগিয়ে এল, নিঃশব্দে, না চেঁচিয়ে। আর সেটাই ছিল
ওর আক্রমণের সবচেয়ে ভয়ঙ্কর দিক।

মোটাসোটা পদ্রনো এক বাচ' গাছে পিঠ ঠেকিয়ে দাঁড়ালাম।
আমাদের দরদর এখন দু'মিটারের বেশি নয়। 'পাইরেট, ডিগি,'
ফিসফিসিয়ে নিদারুণ বিরক্তিকর মধুর, মিনতিভরা কণ্ঠে বললাম,
'কামডাস নে বাপদু, দোহাই তোর।'

কুকুরটি ক্ষণিক দাঁড়াল। তার এই বিব্রত অবস্থার সুযোগে আরেকটু
আস্থার সুরে বলতে লাগলাম, 'কী সুন্দর তুই দেখতে, চালাক-চতুর,
মায়াভরা মদুখ...।'

সেই মদুহৃতে দেখলাম পাইরেট লাফ দেয়ার জন্য টানটান হচ্ছে,
তাক করছে সোজা আমার গলাটি। প্রথম বারের লাফটি তেমন উঁচু
ছিল না। দ্বিতীয়টা কীভাবে এড়ালাম জানি না।

তৃতীয় হামলার জন্য প্রাণ হাতে নিয়ে অপেক্ষা করতে করতে চোখের
কোণ দিয়ে পাইরেটের মালিক হেলেদুলে প্রাণপণে ছুটতে ছুটতে
কন্দুর এগোল তা দেখছিলাম। ভয় তাকে কিছুটা বাড়তি শক্তি
যোগালেও সম্ভবত তার পক্ষে কুলিয়ে ওঠা সম্ভব ছিল না। তাছাড়া তার
পক্ষে কি এই হিংস্র কুকুর সামলান সম্ভব?

শেষের নিশ্চিত লাফের জন্য গুটিসুটি প্রস্তুত পাইরেট হঠাৎ
চেঁচিয়ে উঠল। চোখকে বিশ্বাস করা শক্ত — দেখলাম আমার খুদে
দরদর শেয়ালী ডালকুত্তার মত পাইরেটের পেছনের পায়ে দাঁত বসি-
য়েছে।



পাইরেট তড়িৎগতিতে ঘুরে তাকিয়ে ঝাঁপ দিল। কিন্তু কামড় বসাল শূন্য হাওয়ায়। আলিসা ফুলো লেজ তুলে ততক্ষণে উধাও। এই রকম দৌড়ের সময় সে দ্বিগুণ ছোট হয়ে যায় বলে তাকে ধরে কার সাধ্য! পাইরেট আমাকে বেমালদম ভুলে গিয়ে আলিসার পিছদ ছুটল। স্বস্তির নিঃশ্বাস ফেলে আমি খুব সহজ একটা পথ ধরে তাড়াতাড়ি বাড়ি ফিরলাম।

আলিসা যে সহজেই পাইরেটের খাবলা এড়িয়ে পালাতে পারবে তাতে কোনই সন্দেহ ছিল না। কিন্তু সে কি আর বাড়ি ফিরবে?

খোঁয়াড়ের কাছে ছুটে গিয়ে দেখলাম আলিসা তার ঘরের ছাদে চুপচাপ শুয়ে আছে। কেবল তার পাশগুঁলি অস্বাভাবিক দ্রুত ওঠানামা করছে। তাছাড়া তার সব কিছুর — আলসে এলিয়ে পড়া ভাঁজ, আধবোঁজা চোখ — যেন বলছিল, ‘কী ভাবছ? যা করেছি যেকোন গরবী শেয়ালই তা করত। এশিয়া আর দক্ষিণ-পূর্ব ইউরোপের মরু আর মরুপ্রায় এলাকায় আমরা কখনই বিপদে বন্ধুদের ছেড়ে যাই না।’

অক্টোবরের বাদলা দিন ঘনিয়ে এল। মস্কোর শহরতলীতে আমরা সবাই ভাড়া ঘরের মধ্যে বসে আছি, ভাবছি আলিসাকে নিয়ে কী করা? তবে একটা ব্যাপারে নিশ্চিত ছিলাম: ওকে আর শহরের ফ্ল্যাটে রাখা যাবে না। শেষপর্যন্ত যেন জীবনই সমস্যাটি সমাধান করল।

এই মাসেরই শেষ নাগাদ জরুরি কাজের তাগিদে আমাকে অন্যত্র যেতে হল। অত্যন্ত অনিচ্ছা সত্ত্বেও বাড়িওয়ালী মাশা ঠাকরুনের কাছেই আমাদের পোষ্যগুঁলি রেখে আসি। ওই বাড়ি আলিসাকে একদমই



দেখতে পারত না। কেন যে লোকে এরকম 'অকেজো' জন্তু-জানোয়ার
পোষে বড়ি তা বদ্বত না।

তিন সপ্তাহ পরে ফিরে আলিসার ঘরটি খালি দেখে মাশা ঠাকরুনের
কাছে ছুটে গেলাম। তিনি আহ্লাদী স্বগতোক্তি আমাকে স্বাগত
জানালেন, 'তোমরা যাওয়ার দু'দিন পরই আলিসা তো পালিয়ে গেল।
যেভাবে বলেছিলে ঠিক তেমনি সেদিন সকালে খাবারের গামলা নিয়ে
যেতে যেতে ভাবি যে পাজিটা লাফিয়ে বেরদবে, কিন্তু সে তো বেরদুল
না। দেখলাম দরজাটা হাঁমুখ। আমি আগের রাতে হয়ত ছিটকিনি
আটকাতে ভুলে গিয়েছিলাম। আর জানই তো শেয়াল পাজির পা-
ঝাড়া, আন্দাজ করে...। তা এখন আর চেঁচিয়ে লাভ কী? ভালোই তো
হল। তোমাকে মদ্রুস্তি দিয়ে গেল। কী ঝামেলাটাই না পোহাতে বাছা।'

আলিসা পালিয়ে যাওয়ার পর বিশ দিনেরও বেশি কেটে গেছে।
জানতাম, যদি সঙ্গে সঙ্গেই মারা পড়ে না থাকে তাহলে অন্তত সে এক-
দু'বার এখানটা ঘুরে যেত। কিন্তু ঠাকরুন ছাড়া বাড়িতে আর জনপ্রাণী
ছিল না।

খুব সম্ভব মদ্রুস্তির প্রথম দিনটিই ছিল আলিসার জীবনের শেষ
দিন। কুকুর বা শিকারী কেউই তাকে রেহাই দেবে না। হঠাৎ এসে পড়া
জগৎটিকে হয়ত সে খুব বেশি বিশ্বাস করে বসেছিল। সেখানে খাবার
যোগাড় করা সম্পর্কে তার বিন্দুমাত্র ধারণা থাকার কথা নয়...

তেমন কিছু আশা না করেই আমি তার ঘরের ছাদে একটুকরো
মাংস রাখি। সকালে দেখলাম কেউ ছোঁয় নি।



কিন্তু পরদিন ওটা আর ছিল না। কিন্তু শেরালের ঘরের পাশে কাদার ওপর বিড়ালের পায়ের স্পষ্ট ছাপ দেখলাম।

আমরা শহরে ফিরলাম।

তবুও আলিসার ঘরের ওপর কিছুটা খাবার রাখতে আমি মাশা ঠাকরুনকে অনুরোধ করেছিলাম। কিন্তু বড়ি আমার কথা রাখলেও জানতাম শুধু তা যাবে গাঁয়ে বেড়াতে-আসা লোকজনের ফেলে যাওয়া ছনছাড়া বিড়ালগুলির পেটে।

বাইরে যাওয়ার একটি কাজের প্রথম সুযোগটিই আমি লুফে নেই। ফিরে এসে সারা শীতকালটা শহরেই কাটাই। তারপর কেবল মার্চ মাসের শেষের দিকেই মাশা ঠাকরুনকে দেখতে যাই।

উজ্জ্বল বসন্তদিন। ততদিনে দুঃখস্মৃতিগুলির ধার অনেকটা ভোঁতা হয়ে গেছে। শেষপর্যন্ত কালে কালে মন থেকে সব কিছুই একসময় মুছে যায়... তবে খোঁয়াড়টি শুধু সাবধানে এড়িয়ে যেতাম।

সেই রাতে আলিসাকে স্বপ্নে দেখলাম। তার গলার আওয়াজে ঘুম ভেঙ্গে গেল। সেই ঝাঁঝি গুনগুন — আলিসার সানন্দ বিস্ময় ব্যক্ত করার ধাঁচ।

আলো জ্বালালাম। কিছুক্ষণ পড়াশুনোর পর আবার এক সময় ঘুমিয়ে পড়লাম। সকালে কাঁপুনি-ধরা বৃকে দেখলাম নরম বরফের ওপর বাড়ির দিকে দৌড়ে আসা আমার লাগোয়া জানালা পর্যন্ত পায়ের দাগকাটা সরুপথ। ছোট্ট পাঁচটি আঙুলের ছাপ, অবিকল আলিসার খাবার মতো।



ছোট্ট শেয়ালটি কি বেঁচে আছে? কোন অস্পষ্ট স্মৃতি কি
বেচারীকে মাশা ঠাকরুনের বাড়ির কাছে টেনে এনেছিল যখন আমি
ওখানেই রাত কাটাচ্ছি?

কিংবা হয়ত অন্য কোন প্রাণীর পায়ের দাগ। বন তো ঘরের পাশেই।
সেটাই বরং ভালো। অসীম নিঃসঙ্গতায় নিঃস্পষ্ট একটি প্রাণী আমার
আশেপাশেই ঘুরছে, যাকে আমি ছাড়া আর কেউ চায় না, অথচ
আমার কাছে সে চিরকালের মতো হারিয়ে গেছে, সেজন্য আমিই দায়ী,
কেননা আমিই তার সঙ্গে বন্ধুত্ব পাতিয়েছিলাম, কিন্তু তাকে রাখতে
পারি নি — এমন ভাবনা বড়ই অসহ্য।

আলিসা... কোথা থেকে এসেছিল কেউ জানে না। কোথায় গেছে
তাও কারও জানা নেই, আমিও আর — আর কোনদিন জানতে পারব
না মার্চের সেই রাতে ভেজা বরফের ওপর কে ওই পায়ের দাগগুলো
রেখে গিয়েছিল।



পাঠকদের প্রতি

বইটির বিষয়বস্তু, অনুবাদ ও অঙ্গসজ্জার বিষয়ে
আপনাদের মতামত পেলে আমরা বাধিত হব।

আশা করি আপনাদের মাতৃভাষায় অনুদিত রূপ ও
সোভিয়েত সাহিত্য আমাদের দেশের জনগণের সংস্কৃতি
ও জীবনযাত্রা সম্পর্কে আপনাদের জ্ঞানবৃদ্ধির সহায়ক
হবে।

আমাদের ঠিকানা:

‘রাদুগা’ প্রকাশন

১৭, জুবোভ্‌স্কি বুলভার

মস্কো ১১৯৮৫৯, সোভিয়েত ইউনিয়ন

‘Raduga’ Publishers

17, Zubovsky Boulevard,

Moscow 119859, Soviet Union